



焦氏易林卷上之二

觀之第二十

觀 歷山之下虞唐所處躬耕致孝名聞四海為堯所薦禪位

天子 唐當作舜

乾 蛭飛蠕動各有所配歡悅相迎咸得其處

坤 繼祀宗邑追明成康光照萬國享世久長病疾不醫下即

蒿蘆此二句

屯 秋冬採巢不得鵲雛銜指北去媿我少姬

蒙 撞妾獨宿長女未室利無所得

需 洪魚逆流至人潛去高逢代柱大屋顛仆

訟 日闇不明讒夫在堂右臂疾痺君失其光

師 王孫季子相與孝友明允篤誠昇擢薦舉為國幹柱

比 麟趾龍身日馭三千南上蒼梧與福為婚道里平易安全  
無患

小畜 三子成駒折損轅軸輪載空輿後時失期

履 逐福除患道德神仙避惡萬里常歡以安

泰 黃池之盟魯楚爭強勾踐為患夷門不安探竅得螽所願  
不喜

否 青牛白咽呼我俱田歷山之下可以多耕歲藏時節人保

安寧 招呼我句一作

同人 有頭無目赫赫粟粟一作不消耗為疾三年不復

大有 山沒丘浮陸為水魚與雀無巢民無室廬

謙 高崗風風朝陽梧桐雍雍啾啾奉奉萋萋陳辭不多以告  
孔嘉

豫 鰥寡獨宿憂動胸臆莫與笑食

隨 躓馬破車惡神降家青蠅汗白芥子離居

蠱 長女二嫁進退無羞逐狐作妖行者離憂

臨 人無足法緩行長姦地雄走歸陽不制陰男失其家

噬嗑 茹芝餌黃飲食玉英與神流通長無憂凶

賁 東行無門西出華山道塞於難遊子為患

剝 壽如松喬與日月俱常安康樂不罹禍憂

復 探竅得螽所願不喜黃池之盟吳楚爭強勾踐為患夷門

不安

無妄 蝠螺生子深目黑醜雖飾相就眾人莫取

大畜 喜怒不時霜雪為災稼穡無功后稷飢寒

頤 鳥升鵲舉照臨東游龍降庭堅為陶叔後封為蓼丘履祿

綏厚

天過黃離白日照我四圍元首昭明民賴其福

坎 黍稷醇醲敬奉山宗神嗜飲食甘雨嘉降獨蒙福力時災不至

離 禍不更生福過我里入門笑喜與吾利市

咸 晝卧牢門林惕不安日不得闔鬼搔我足

恒 春早榮華長女宜夫受福多年世有封祿

遯 雍門內崩賊賢傷仁暴亂狂悖簡公失位

大壯 心壯無良猖獗妄行觸抵墻壁不見戶房

晉 膠車木馬不利遠賈出門為患安止不危

明夷 家在海隅橈短流深企立望宋無木以趨

家人 冬桑枯槁當風快道蒙被塵埃左右勞苦

聯 過時不行妄逐王公老女無天不安其居

蹇 履泥汚足名困身辱兩仇相當自為痛疾

解 精華墮落形容醜惡頹頹挫頓枯槁腐蠹

損 長生無極子孫千億松柏為梁堅固不傾

益 去辛就蓼毒愈酷甚避井入坑憂患日生

夬 行克欽德養賢致禮衆英積聚國無寇賊

姤 狗逐兔走俱入谷口與虎逢之迫不得去

萃 望尚阿衡太宰周公藩屏湯武立為侯王

升 清人高子爰屯外野逍遙不歸思我慈母

困 三虫作蠱削跡無與勝毋盜泉居不安處

井 德作龍身進無所前三日五夜得其所欽

革 黃裏綠衣君服不宜滌面毀常失其寵光

坤

易

三

鼎 天所顧祐禍災不到安吉無俱

震 盤紆九回行道留難止酒千丘乃睹所歡

艮 暴雲失國為下所逐止奔陰胡主君旄頭

漸 御駢從龍至霍華東與禹相逢送至子邦

歸妹 銅人鐵距雨露勞善終日卒歲無有休息

豐 大夫失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妬使身虛空

兌 天門冬虛晉季為災臨睽默蒼泰伯舜殃

渙 褰衣涉河水深漬衣賴幸舟子濟脫無他

節 相車上山高仰重難終日至暮不見卓顛

中孚 鳥易其耳熱不可舉大路壅塞旅人心苦

小過 四亂不安東西為患退身止足無出邦域乃得完全賴其

生福

既濟 班馬還師以息勞疲役夫嘉喜入丸見妻

未濟 積德不怠遇生逢時載善喜一作消陽身受榮光

噬嗑之第二十一

噬嗑 麒麟鳳凰善政得祚陰陽和調國無災殃

乾 北風相牽提笑語言伯歌叔舞燕樂以喜北風牽手

坤 甲戌巳寅隨時運行不失常節咸逢出生各樂其類達性

任情

屯 破亡之虞神所憂衰進德無光留止有慶

蒙 注斯膏澤析衛百毒防以江南虺不能螫

需 日月相望光輝盛昌三聖成功仁德大降

訟 大蛇巨魚戰於國郊上下濟塞衛侯廬漕

師 龍入天閔經歷九山登高上下道里險難日晏不食絕無  
甘酸

比 沙漠北塞純無水泉君子征凶後夫力殫

小畜 閔折開放衿帶解隨福與善生憂不為禍

履 狼虎所嗥患害必遭不利有為宜以遁逃

泰 金精耀怒帶劍過午兩虎相距弓弩滿野雖憂無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂名康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸程逐狐為人觀笑牝鷄鳴晨主作亂妖

隨 陰失陽復桀失其室相餒不食

蠱 蝮飛蠱動各有配偶大小相保咸得其所蠱之

臨 鬼守我廬欲呼伯去曾孫壽考司命不許與生相保

觀 禍走患伏喜為我福凶惡消亡災害不作

賁 智不別揚張誑妄行陷淵什顛傷毀伯身

剝 凶憂災殃目益明章禍不可救三都夷傷

復 長尾蛟蛇畫地為河深不可涉絕無以止悵然憤息

無妄 受我嬰女牽引不與冀幸高貴反曰下賤

大畜 見游江湖甘樂其餌既不近人雖驚不駭

頤 明滅光息不能復食精魄既喪以夜為室

大過 奇過無偶習靜獨處所願不從心思勞苦

坎 葛藟蒙棘花不得實讒佞亂政使忠壅塞

離 鵲笑鳩舞來遺我酒大喜在後授我龜紐龍喜張口超拜

福祉

咸 搖尾逐災雲孽除滂泥生梁下為田主

恒 白鶴啣珠夜食為明膏潤優渥國歲年豐

遯 內執柔德止訟以默宗邑賴德禍災不作

大壯 天吠驚駭公拔戈起玄冥厭火消散瓦解

晉 公悅媪喜子孫俱在榮譽日登福祿來處

明夷 鳥鳴捕鵲長欲飛去循枝上下適與風遇顛損樹根命不

可救

家人 折薪熾酒使媒求婦和合齊宋姜子悅喜

睽 隣不我顧而望至女身多疣癩誰當媚者

蹇 遠視無光不知青蒲黜纏塞耳使君聞聾

蹇 尅身整邑逢禹巡狩賜我玄圭蒙受福祐

損 遠望千里不見黑子離婁之明無益於光

益 斧斤所斫瘡痍不息鍼口不施下即空室

夬 齊侯少子才略美好求我長女賤薄不與反得醜陋後乃

大悔

姤 失儷後旅天門地戶不知所在安止無咎

萃 烏孫氏女深目黑醜嗜欲不同過時無偶

升 伯駕純駟南至東華求索車馬道闕中止

困 二女寶珠誤鄭大夫君父無禮自為作笑

井 陽城太室神明所息仁者之君獨無兵革

革 反一作蛇為殃使道不通歲利甚少年穀敗傷

蠱 三足孤鳥靈明為御司過罰惡自殘其家毀敗為憂歎之

震 車駕兩鞞絕馬欲步雙輪脫行至道遇害如繩馬絕鞞引

雙輪脫去

艮 鬱映不明為陰所傷眾霧麗集共奪日光

漸 鷓鴣鳴梟治城禦災周公勤勞綬得安家

歸妹 名成德就項領不試景公耄老尼父逝去

豐 一夫兩心岐刺不深所為無功求事不成

旅 羿張鳥號發射天狼趙國雄勇敗於滎陽

巽 東家殺牛汚臭腥臊神皆西顧命衰絕周

兌 火起我後喜炙吾廬蒼龍嚙水泉巽屋柱雖難無咎

渙 桃雀竊脂巢於小枝搖動不安為風所吹寒心飄搖常憂

殆危

節 徒足去威飛入東國有所畏避深藏遠匿

中孚 瑤英朱草仁政得道鳧鷖在渚福祿來下

小過 陳蔡之厄從者飢瘦明德上通憂不為凶

既濟 春桃生花季女宜家受福多年男為邦君

未濟 徑邪賊田政惡傷民夫婦呪咀太山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子徯狂

蒙 戴盆望天不見星辰顧小失大福逃墻外

需 兩輪日轉南上太阪四馬共轆無有重難與語笑言

訟 羊羴狼虎聳耳群聚行旅稽難留連愁苦

此是賁賁 易水十二



師 梗生荆山命制輪班袍衣剥脫夏熱冬寒飢餓枯槁衆人莫怜

比 烏飛無翼兔走折足不常其德自為羞辱

小畜 條風制氣萬物出生明庶長養花葉壯茂

履 坤厚地德萬物蕃息平康正直以綏大福

泰 昂畢附耳將軍乘怒徑路隔塞燕雀驚駭

否 東風啓戶黔咏翻舞各樂其類咸得生處

同人 兩足四翼飛入家國寧我伯姊與母相得

大有 歲暮花落陽入陰室萬物伏匿歲不可得 釋然遠咎避患高阜田獲三狐以貝為寶君子所在安寧

不殆

遷延卻縮不見頭日日以困急

臨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老揚日衰條多枯枝爵級不進遂至摧隕

觀 順風吹火牽騎驥尾易為功力因懼受福

噬嗑 六人俱行各遺其囊黃鵠失珠無以為明

剝 依叔墻偶志下心勞楚王晨食韓子低頭

復 三牛生狗以戌為母荆夷上侵姬伯出走 坤之震需之訟 否之垢

無妄 鶴盜我珠逃於東都鵠起追求郭氏之墟不見蹤跡久為禍災

大畜 外與中退舉事不遂舖糜毀齒失其道理

頤 鴻鵠高飛鳴求其雌雌來在戶堆哺嘻嘻甚獨芳苦炮鱉

膾鯉

大過褰衣涉河水深漬衣幸賴舟子濟脫無他觀之

坎 虎齧龍指太山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹柱闕車失其

正當

恒 舍車而徒亡其駁牛雖喪白頭酒以療憂

遯 折薪爨酒使媒求婦和合齊宋姜子悅喜

大壯 夜視無明不離商賈子反笑歡與市為仇

晉 徒行離車冒厭泥塗利以休居

明夷 作室山根人以為安一夕崩顛破我壺殮

家人 東山西山各目言安雖相答望竟未同堂

睽 君子在朝凶言消去譙駭逐狼不見雄英

蹇 蹇蹇慎慎一作火燒山根不潤我鄰獨不蒙恩

解 南山之蹊其所遊德配唐虞天命為子保佐歆享身受

大慶復之比否之豫

損 龍蛇所聚大小來處泱泱霑霑淡淡磕磕使我無賴

益 旃裘若闔慕德獻服邊鄙不悚以安王國

夬 光體春成陳倉鷄鳴陽明失道不能自守消亡為咎大有

姤 下泉苞稂十年無王首伯遇時憂念周京無一作力

萃 仁德不暴五精就舍四序允釐民安其居

升 隨和重寶衆所貪有相如睨柱趙王危殆

困 鳳生五雛長於南郭君子康寧悅樂身榮

井 二人為旅俱歸北海入門上堂拜謁王毋勞賜我酒女功

不喜

革 逐憂除殃濟泥生梁下田為王

鼎 東門之墀茹慮在改禮義不行與我心反

震 鳥遇稻廬甘樂麩鱗雖驅不去

艮 清人高子久屯外野逍遙不歸思我君母公子謁請王孫

嘉許

漸 讒佞所言語不成全虎狼之患不為我殘

歸妹 張羅捕鳩鳥麗其災雌雄俱得為網所賊剝之歸妹

豐 安仁尚德東隣慕義來安吾國

睽 猾醜假誠前後相違言如驚咳語不可知

巽 懷璧越鄉不可遠行蔡侯兩表久苦流離

兌 伯氏歸國多所恨惑車頓蓋傾身常驚惶乃得其頭雌雄

相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中孚 騎豚逐羊不見所望徑涉虎廬亡豚失羊乾之蹇

小過 玄黃虺隤行者勞罷役夫憔悴處子猥衰

既濟 右手掩目不見長叔失其所得悔吝相仍

未濟 免冠進賢步出朝門儀體不正賊孽為患否之兌

剝之第二十三

剝 行觸大諱與司命忤執囚束縛拘制於吏憂人有喜中孚

乾 穿胸狗邦僵離旁春天地易紀日月更始師之謙

坤 從風縱火菽芝俱死三害集房十子中傷

屯 北山有東橘柚所聚荷囊載擔香盈筐筐

蒙 賈金贖狸不聽我辭繫於虎鬚牽不得來否之革需之蒙

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居復之旅

師 蹇驢不才駿驥失時筋力勞盡罷於沙丘履之異

比 明傷之初為穆出郊以逸復歸名曰豎牛剥亂叔孫餒於

空丘

小畜 天火大起飛鳥驚駭作事不時自為多咎

履 土與山連共保歲寒終無災患萬世長安賁之屯

泰 日出阜東山蔽其明章甫薦履箕子狎狂乾之訟

否 龍馬上山絕無水泉啖焦唇乾口不能言乾之訟

同人 雄處弱水雌在海濱將別持食悲哀於心

大有 庭燎夜明追嗣日光陽軟不至陰雄生戾

謙 三婦同夫忽不相思志恒不愁顏色不怡

豫 鶴盜我珠逃於東都鷓鴣怒追求郭氏之嗟不見武跡

豫之明夷

隨 狝猴冠帶盜在非位衆犬共吠倉狂蹶足

蠱 黍稷禾稻垂畝方好中旱不雨傷風病槁

臨 雄聖伏名人匿麟遠走鳳飛北亂禍未息中孚之損

觀 三母多福天祿所伏居之寵光君子有福

噬嗑 被服文德升入大麓四門雍肅發受大福

賁 寒裳涉河水流漬衣幸賴舟子濟脫無他觀之渙賁之大

復 班馬還師以息勞疲役夫嘉喜入戶見妻觀之既濟賁之

无妄 東鄰嫁女為王妃后莊公築館以尊王母歸于京師季美

悅喜

大畜 百足俱行相輔為強三聖翼事王室寵光屯之履晉之坤

序定官刊

易本上二

順 危坐至暮請求不得膏澤不降政矣民忒泰之離漸之順

大過 百川朝海泛流不止路雖遼遠無不到者

坎 乘駟駕驪東至于濟遭遇仁友送我以資厚得利歸

離 禮壞樂崩陰請不當成子傲慢為簡生殃欲求致理力疲

心爛

咸 一人輦車乘入虎家王毋貪饕盜我犁牛

恒 羊頭兔足少肉不飽漏囊敗粟利無所得渙之艮

遯 新田宜粟上農得穀君子懷德以千百福恒之離

大壯 夷羿所射發輒有獲雙鳧俱得利伐王國

晉 鳧舞鼓翼嘉樂堯德虞夏美功要荒賓服

明夷 登丘上山對酒遇歡終年卒歲優福無患

家人 歲暮花落陽入陰室萬物伏匿藏不可得

睽 螟虫為賊害我禾穀罇瓶空虛飢無所食

蹇 陽虎脅主使德不通炎離為殃年穀患傷

解 四馬共轅東上泰山駢驪同力無有重難與君笑言

損 牧羊稻園聞虎喧誰畏懼悚息終無禍患隨之漸井之否

益 陽花不埒冬實生危憂多橫賊生不能服崑崙之玉取求

必得

夬 高阜所在陰氣不淋洪水不處為家利寶

姤 釋然遠咎避患革害田獲三狐以貝為寶君子所在安寧

不殆

萃 兩目失明日奪無光脛足跛曳不可以行墮於丘旁亡妻

莫逐嵬然獨宿

升 鴻飛循陸公出不復伯氏客宿中孚之同人

困 佩王纍葉無以繫之孤怨獨處愁哀相憂一作禱

非 載船渡海雖深何咎孫子俱在不失其所

革 鴛求魚食道遇射弋緇加我頸繳縛兩翼欲飛不能為非

所得

雷 泥面亂頭忍耻少羞日以削消

震 桑方將落損其黃葉失勢顛倒如無所立玉作佩

艮 巨蛇大鱗戰於國邦上下隔塞主君走逃巽之階

漸 已動死連商子揚砂石胡貉擾軍鼓振吏士恐

歸妹 張羅博鳩鳥麗其災雌雄俱得為網所滅作二人俱行

無心亂續之

豐 三聖相輔鳥獸喜舞安樂富有二人諧偶

旅 三奇六偶相隨俱市王孫善賈先得利寶居止不移大盜

為咎

巽 三人俱行一人言北伯叔欲南少叔不得中路分道子

相賊豐之中孚

兌 播天舞地擾亂神所居樂無咎言不信誤

渙 坐爭立訟紛紛洶洶幸成禍亂災及我公大過之離

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎為政天降罪伐高殺望夷胡亥

以斃

小過 陽不遠德高山多澤顏子逐兔未有所得

既濟 心多畏惡時愁日俱雖有小咎終無大悔

未濟 衆神集聚相與議語南國雲亂百姓愁苦舉師征討別立

賢主

復之第二十四

復 周師伐紂尅於牧野甲子平且天下悅喜

乾 任武眉力東征不伏陷履泥塗維師敗覆

坤 義不勝情以欲自管覲利危躬折角摧頸

屯 懸恒素食食非其任失輿剥廬休坐徙居室家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產陞擢有功

訟 三足俱行傾危善僵六指不便累恩弟死上謂車失其

正當黃之咸

師 京庾積倉黍稷以興極行疾至以厭飽食

比 南山之蹊真人所在德配唐虞天命為子保佑歆享身受

大慶黃之解

小畜車馳人趨卷甲相仇齊魯寇戰敗於六丘坤之兌

履 十五許室柔順有德霜降婦嫁夫以為今先王日至不利

出域

泰 任力劣薄遠托邦國輔車不僵為癰所傷

否 千載舊室將有困急荷糧負囊出門直北

同人 惡災殆且日益章明禍不可救三卻夷傷

大有 冠危身身礪不安與福馳逐凶來入門

謙 虎狼並處不可以事忠謀轉改禍必及已退隱深山身乃

不殆

豫 卯與石闢糜碎無處挈瓶之使不為憂懼

隨 五心六意岐道多恠非君木志生我懷悔

蠱 雨雪載塗東行破車旅人無家

臨 尚利壞義月出平地國亂天常各徵滅亡

觀 東行破車步入范家衙門穿射無以為主賣袍續食糲糠  
不飽

噬嗑 逐金出門并失玉几往來井上甌破缺盆

賁 春孟醴酒使君壽考南山多福宜行賈市秋梁雌雉所至  
利喜

剝 持刃操肉對酒不食夫亡從軍長子入獄抱膝獨宿

无妄 騎牛傷暑不能成畝草萊不翳年歲無有

大畜 南邦大域鬼魅滿室謹聲相逐為我行賊

頤 樽樽所言莫如我坦歡樂堅固可以長安

大過 堯舜禹湯四聖敦仁允施德音民安無窮族久相望未同

朝卿

坎 桎梏拘獲身入牢獄髡刑受法終不得釋耳閉道塞求事  
不得

離 跖並桀處民困愁苦行旅遲遲留連齊魯

咸 求雞獲雉買鱉失魚出入均貨利得無餘齊姜宋子婚姻  
孔喜

恒 雨師駕駟風伯吹雲秦楚爭強施不得行

遯 仲冬兼秋鳥散飲憂困於米食數鷓鴣鷓鴣

大壯 三瓶上山俱至陰安遂到南陽完其芝香兩崖相望未有  
枕床

晉 飛之日南還歸遼東雌雄相從和鳴雍雍解我胸春

明夷 堯飲舜舞禹拜上酒禮樂所豐可以安處保我淑女

家人 太乙置酒樂正起舞萬神攸同可以安處緩我齒兒



白馬駢驅生乳不休富我商人得利饒優  
蹇馬疾步育師坐御目不見路中止不到  
解春桃萌生萬物華榮邦君所居國樂無憂  
損把珠入口畜為玉寶得吾所有欣然嘉喜  
益襦燒袴燔羸剥飢寒病症凍癢  
夫水沫沉浮沮濕不居為心疾憂  
姤行如桀紂雖禱不祐命衰絕周文君之祀  
莘蜉蝣戴盆不能上山脚摧跛蹶損傷其頭  
升長子入獄婦饋母哭霜降旬甚嚮晦伏法  
困求犬得兔請新遇故雖不當路踰吾舊舍  
非鳥鳴葭端一呼三顛動搖東西危而不安靈符禱祉疾病  
無患

輦天厭禹德命興湯國祓社豐鼓以除民疾  
禹陰霧作匿不見白日邪徑迷通使君乱惑  
震猿墮喬木不跛手足握珠懷玉還歸我室屯之豫  
艮三驪負衡南取芝香秋蘭芬馥盈滿匣賈利我少姜  
漸春生孚乳羽毛成就舉不失宜君臣相好盜走奔北終無  
所晦

歸妹東行破車還反室家天命訖終無所禱凶

豐九雁列陣雌獨不群為胃所牽死於庖人

旅二人輦車從去其家井沸釜鳴不可以居從疑

巽閉塞復通與喪相逢甘棠之人解我憂凶

兌賦歛重數政為民賊行柚空虛家去其室

渙怒非其怨貪妬腐鼠而呼鵲鷓自令失餌倒被災患

節 簪跌帶長幽思最苦瘡貌少疲以疾病降

甲子三人俱行各別採桑蘊其筐管留我嘉侶得歸無咎四月  
來處

小過逐鳩南飛與喜相隨并獲鹿子多得利歸雖憂無危  
既濟驅羊南行與禍相逢狼驚吾馬虎盜我子悲恨自咎  
未濟東隣西國福喜同樂出得隋珠留獲和玉俱利有息

無妄之第二十五

无妄夏臺姜里湯文厄處臯陶聰斷岐人悅喜西望華首東歸

無咎

乾 儋耳穿胸纏離勞春天地易紀日月更始蝮螫我手痛為

五毒

坤 慈母之恩長大無孫消息襁褓害不入門

屯 譎言妄語轉相註誤道左失跡不知狼處

蒙 鬱映不明陰積無光日在北陸萬物彫歲

需 主母多福天祿所伏居之寵昌君子有光

訟 不耕而獲家食不給中女無良長子跛足踈齒善市商人

有喜

師 火起上門不為我殘跳脫東西獨得生完不利出隣病疾

憂患

比 持刀操肉對酒不食夫亡從軍少子入獄抱膝獨宿

小畜 鱗鰕去海遊於枯里街巷迫狹不得自在南北四極渴餒

成疾

履 啞啞笑語與歡飲酒長樂行觴千炷起舞拜受大福

泰 登高上山賓于四門士伍得惟福為我根

否 天厭周德命與南國以禮靜民兵革休息

同人 壘邊隄防水不得行火光盛陽陰魄伏匿走歸其鄉

大有 河海都市國之與府商人受福少子玉石一作食

謙 東行避兵南去不祥凶逐凶惡北逃福生與喜相逢

豫 東家中女娼母最醜三十無室媒伯勞苦

隨 破亡之國无所不福難以止息

蠱 驂駕蹇驢日暮失時居者無憂保我樂娛

臨 蝦蟇之側佞幸傾惑女謁橫行王道允塞

觀 三殺五羊相隨並行迷入空澤有谷直北徑涉六駭為所

傷賊

噬嗑 戴喜抱子與利為友天之所命不憂厄殆荀伯勞苦西來

王母

賁 織縷未就針折不復女工多態亂我政事

剝 行露之訟真女不行君子無食使道壅塞

復 羿張鳥號毅射天狼鐘鼓不鳴將軍振袞趙國雄勇闖死

榮陽

大畜 延頸望酒不入我口商人勞苦利得無有夏臺麥里難為

復喜

頤 冠帶南遊與喜相期邀於嘉國拜位逢時坎之井

大過 東西觸垣不利出門魚藏深水無以樂賓爵級惟頹光處

咸衰

坎 兩毋千子轉息無已五乳百雛駢駁駭駒

離 重黎祖後司馬太史陽氏之災離宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶躬作牛驥同槽

為墟君罪之噬齧師

遜 官成立政衣就缺袂恭謙為衛終無禍木

天壯麒麟鳳凰子孫盛昌少齊在門利以合婚貴人大歡

晉 亂危之國不可涉域機機發發身頓僵覆

明夷 千雀萬鳩與鷓為仇威勢不敵雖衆無益為鷹所擊萬事

皆失

家人 衆神集聚相與議語南國霍亂百姓愁苦與師征討更立

賢主利之未濟屯之

睽 頗淵問騫以禮自閉君子所居禍災不存

蹇 三桓子孫世秉國權胥勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還師振旅兵車

休止二句疑

益 魚擾水濁桀亂我國駕龍出遊東之樂已天賜我林與生

為福

夬 白虎黑狼伏伺山陽遮渴牛羊病我商人

姤 履危不安踈顛我顏傷腫為廠

萃 三人輦車東入旁家主母貪饕盜我資財亡失犁牛

升 三鶴南飛俱就塘池鰕鮑饒有利得過倍

困 鷹栖茂樹候雀往來一擊獲兩利在枝柯

井 堯舜欽明禹稷股肱伊尹往來進履登堂顯德之徒可以

輔王

革 枯旱三年草萊不生案盛空乏無以供靈

鼎 方口圓舌為知樞門解釋鈎帶商旅以歡

震 鳧池水溢高陸為海江河橫流魚鱉成市千里無墻鴛鳳

游行

艮 烹魚失刀駕車馬亡錫刃不入魴鯉腥臊

漸 戎狄躡踞無禮貪饕非吾族類君子攸去

歸妹 渡河踰水狐濡其尾不為禍憂捕魚遇蟹利得無幾

豐 河出小魚不宜勞煩苛政害民君父其患

旅 偃武修文兵革休安清人逍遙來歸空閑

巽 九疑鬱林阻濕不中鸞鳥易去君子不安

兌 搏捫逢虎患厭不起遂至懼國與福笑也君子樂喜

渙 狗生龍馬公勞姬苦家無筐筥折悔為吝

節 嬰孩求乳慈母歸子黃腹悅喜得其甘餌

中孚 有兩赤鵝從五隼操操矢無弩趣釋爾射扶伏聽命不敢

動搖射一作財

小過 伊尹智士去桀耕野執順以強天祐無咎

既濟 逐鹿山西利入我門陰陽和調國無災殃長子東遊復其

三仇二句疑衍文

未濟 龍興之德周武成福長女宜家與君相德長股遠行狸且

善藏

小畜之第二十六

天畜 朝鮮之地姬伯所保宜人宜家業處子孫求事大喜

乾 金柱鐵閤膠固衛災君子居之安無憂疑

坤 轉禍為福喜來入屋春城夏國可以飲食保全家室

屯 水暴橫行浮屋壞墻泱泱溢溢市師驚惶居止不殆與毋

非復舊人畜

相保

象 虎豹熊羆遊戲山隅得其所欲君子無憂旅人失利市空無人

需 躬禮履仁尚德止訟宗邑已安三伯無患

訟 江淮易服玄黃朱飾靈公夏徵哀禍無極高位崩顛矢其寵室

師 不虞之患禍至無門奄忽暴卒痛傷我心象之明夷

比 三塗五岳去危入室凶禍不作桀盜堯服失其寵福貴人有疾

小畜 配合相迎利之四鄉昏以為期明星煌煌欣喜與澤所言得償

履 三手六身莫適所開更伏搖動動失事便箕子狎狂國乃

不昌

泰 虎卧山隅鹿過後射弓矢發張謂為功曹伏不敢起遂全其軀得我美草大有之訟

否 麟鳳執獲英雄失職自衛及魯畏昧不起福祿訖已

同人 樂子作殃伯氏誅傷州犁奔楚失其寵光

大有 黃帝出遊駕龍乘馬東至太山南過齊魯王良御右文武何咎不利市賈

謙 齊魯爭言戰於龍門遘怨致禍三世不安

豫 道禮和德仁不相賊君子往之樂有其利

隨 姬妬公姥毀益亂類使我家憤利不得遂

蠱 一巢九子同公共毋柔順利貞君子不殆福祿所在

臨 崔嵬北岳天神貴客溫仁正直主布思德閔哀不已蒙受

大福

觀 三蛆逐蠅陷墮釜中灌沸滄殮與母長訣

噬嗑東山西陵高峻難升滅夷掘壘使道不通商旅無功復反

其邦

賁 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為儔同噬牛羊道絕不通病我商人

无妄 不宜杜公與我爭訟媒伯無禮自令塞壅

頤 上天樓臺登拜受福喜慶大來

大過 三羊上山東至平康黃龍服箱南至魯陽完其珮囊執綏

車中行人有慶

坎 天地閉塞仁智隱伏商旅不行利深難得

離 延陵適魯觀樂太史車麟白顛知篡只起卒兼其國一統

為主

咸 橐駝甲兵歸放馬牛徑路開通國無凶憂一下有朽牆難

恒 牛驥同堂郭氏以亡國破為墟君奔走趨

遯 大尾小腰重不可搖棟橈攘壞臣為君憂湯火之言消不

為患使我復安

大壯 太乙置酒樂正起舞萬福攸同可以安處保我觀齒一下

空無餌不

晉 飲酒醉醜跳起爭鬪伯傷叔僵東家治喪

明夷 陵險難登澗中多石車馳韉擊重載傷軸擔負善躓跌踈

右足

家人 爭訟不已更相咨詢張李弱口被髮北走一下有耳順從

下以兵天

睽 心志無良傷破妄行觸牆紙壁不見戶房先王閉閔商旅委弁

蹇 鷓鴣鴟鴞治成御災緩德安家周公勤勞

解 清人高子久屯外野逍遙不歸思我慈母

損 兩虎爭鬪股創無處不成仇上行解却去

益 天女推床不成文章南箕無舌飯多沙糖雷衆盜名雄鷄

折頸

夬 太子扶蘇出於遠郊佞幸成邪改命生憂慈母之息無路

致之

姤 寒暑相推一明一微赫上宗周榮光滅衰

萃 雞狗相望仁道篤行不吠昏明各安其鄉周鼎和餌國富

民有八極蒙祐

夬 窓牖戶房通利明光賢贊輔聖仁施大行家給人足海內

放昌

困 雨雪三月鳥獸飢乏旅人失宜利不可得機言解患以療

篤難危身復安

井 白鵠銜珠夜食為明膏潤復滙國歲年豐中子來同見惡

不凶

革 從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得其所欲大有之歸妹

震 逐狐平原水過我前深不可涉莫無所得

艮 窟室蓬戶寒賤所處千里望烟遠散四方形休滅亡下入

深淵終不見君



漸 桀紂之主悖不堪輔會禁為人必定其咎象欲積實野在  
都邑未來我室

歸妹 倉庫盈億年歲有息商人留連雖久有得陰多陽少因地  
就力

豐 泰山不然釣鯉失綸魚不可得利去我止一作三人同福  
息安

旅 童女無媒不利動搖安其室慮待母動憂

巽 載風雲母遊觀東海鼓翼千里見吾愛子

兌 鴻盜我襦逃於山隅不見其迹使伯心憂

渙 夜視失明不利遠鄉閉門寒牖漏為我母

節 三狗逐兔于東門路利以進取商人有得

中孚 武王不豫周公禱謝載璧秉珪安寧如故

頤之第二十七

小過 同載共車中道別去爵級不進君子下與

既濟 六鴈俱飛遊戲稱池大飲多食飽無患

未濟 符左契右相與合齒乾以坤利季生六子長大成就風言

如母不利為咎

頤 家給人足頌聲並作四夷賓服干戈卷閣

乾 思初道古哀吟无輔陽明不制上失其所

坤 江河淮海天之與府衆利所聚可以饒有樂我君子

屯 三雁俱飛避暑就涼適與贈遇為繳所傷

蒙 秋南春北隨時休息處和履中安无憂凶

需 履危无患逃脫獨全不利出門傷我左膝疾病不食鬼哭

其室

診 東家凶婦怨其公姥毀盤破盆弃其飯食使吾困貧

師 泥滓汗辱弃捐溝瀆衆所笑哭終不顯錄

比 旦往暮還吝與相存身無患凶

小畜 六翮長翼夜過射國弄氏無得

履 蜂蠆之國難以止息嘉媚之士為王所食從去其室

泰 被狐乘龍為王道東過時不返使我憂龍

否 霄梅零墜心思情憤懷憂少悅亂我竟氣

同人 長女三嫁進退多態托狐作姦夜行離憂

大有 轟轟鞫鞫驅東西西盛盈必墜高位崩顛

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

南歷王山東入生門登福上堂歡萬歲業

臨 大斧斫木讒人敗國東閔二五禍及三子晉人亂危懷公

出走

觀 一室百孫公悅姬歡相與笑言家樂以安

噬嗑 隨陽轉行不失其常君安於鄉國無咎殃

賁 群虎入邑求索肉食大人禦守君不失國

剝 弱足則跟不利出門商賈無贏折朋為患湯火之憂轉解

喜來

復 夏臺幽戶文王厄處鬼侯飲食岐人悅喜

无妄 棟桷攘壞廊屋大敗宮闈空廓如冬枯樹

大畜 諛以內安不利其國室家大懼幽囚重閉疾病多求罪亂

憤憤

大過六龍俱怒戰於波下蒼黃不勝旅人艱苦  
坎 天下雷行塵起不明市空無羊疾人憂凶三木不真脫婦

家邦

離 一指食肉口無所得染其齒舌說於腹

咸 喜笑不常失其福慶口辨言疥行者畏忌

恒 毛生毫背國樂民富侯王有德

遯 豮豕童牛害傷不來三光同堂生我福仁

大壯 江河淮濟盈溢為害厄被其癩年困無歲

晉 兩虎爭鬪股瘡無處不成仇讎行解却去

明夷 五獄四瀆潤治為德行不失理民賴恩福

家人 載車乘馬南途君子與我嘉福離憂無咎

睽 缺囊破筐空無黍梁不媚始公弃於糞場

解 殺行奔園見虎東還避螭之敵使我無患  
箕仁入室政衰弊極抱其彘器奔於他國因禍受福

損 庭燎夜明追古傷今陽弱不制陰雄坐定

益 懸恒素食食非其任失輿剝廬休坐徒居

夬 嘉聞福喜繒帛盛織日就為得

姤 執綏登車駢乘東遊說齊解燕霸國以安

萃 水深無桴寒難何游商伯失利庶人

升 三鳥鴛鴦相隨俱行南到饒澤食魚與泥君子長樂見惡

不傷

困 遠視目眇臨深苦眩不離越都族人留難

井 終風東西渙散四分終日至暮不見子懼

革 言無要約不成券契廢叔季姬公孫爭之彊入委命不悅

易木二

三六

我心

牛馬龍慣不知聲味遠賢賤仁自令亂憤疾病無患生福

在門

震 從商近游食飽無憂困圍之困中子見囚

艮 据斗運樞順天無憂與樂並居

漸 姬與姜望為武守邦藩屏燕齊周室以彊子孫億昌

歸妹 亡羊東澤循隄直址子思其母隨返其所

豐 張鳥開口舌直距齒然諾不行政亂無緒

旅 載船逢火憂不為禍家在山東入門見公

巽 絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渚 火息無光千歲不長放湯遠明

箭 文十四乳仁孝篤厚子蓄十男無有折夭

中孚 熊羆豺狼在山陰陽何鹿取麀道伏畏難

小過 彫葉被霜獨蔽不傷駕入喜門與福為婚

既濟 黃離白日照我四國元首昭明民賴為福一下有漢有游

未濟 順風直比與歡相得歲熟年豐邑無寇賊一下有長女行

殃為

大過之第二十八

大過 典冊法書藏在蘭臺雖遭亂潰獨不遇災

乾 日在北陸陰蔽陽目萬物空虛不見長育

坤 鬼泣哭社悲商無後甲子昧爽殷人絕祀

屯 涉塗履危不利有為安坐垂堂乃無災殃門戶自開君憂

不昌

蒙 陽失其紀枯木復起秋葉冬實君不得失

需 大樹之子百條共母當夏六月枝葉盛茂焉鳳以庇召伯

避暑翩翩偃仰各得其所

訟 秉鉞執爨挑戰先驅不役元帥敗破為憂

師 啟室開門巡符釋寃夏臺姜里湯文悅喜

比 衰滅無幾淵溺在頃吠狗夜驚家乃不寧

小畜 西鄰小女未有所許志如委衣不出房戶心無所處傳毋

何咎

履 狗吠夜驚履鬼頭頸危者弗傾患者不成

泰 常年少寡獨與孤處鷄鳴犬吠無敢難者我生不辰獨受

冥苦

否 無道之君鬼哭門命與下國絕不得食

同人 乘龍南游夜過精丘脫兀曾夏一軒有贈絕句

大有 馬躓車傷長舌破家東閔二五晉君出走

謙 瓜花瓠實百女同室醯苦不熟未有配合

豫 晨風文翰大舉就温時過我邑弄無所得

隨 浼浼促促塗泥至轂雨濘不進虎嚙不得

蠱 膠車駕東與兩相逢放車解脣損齒輪獨坐憂不為禍

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人大功

噬嗑 牧羊稻園聞元喧謹危惧喘息終無禍患

賁 嬰兒求乳母歸其子黃麕悅喜乃得甘飽

剝 廊落失業跨禍變福利無所得

復 出入無時憂患為災行人火牛利去不來若馬遺駒勿與

父居

完妄風怒漂木女感生疾陽火其時陰孽為賊  
大畜車馬疾傷不利越鄉幽人無貪去吻就明

頤 三奇六耦各有所主周南召南聖人所在德義流行民悅  
以喜

坎 坐爭立訟紛紛詢詢卒成禍亂災及家公  
凶憂為殘使我不安從之南國以除心疾

咸 愛我嬰女牽引不得冀幸高貴及月下賤  
宜行賈市所取必倍載喜抱子與利為友

遯 坐席未温憂來扣門踰牆北走兵交我後脫於虎口  
天壯赤帝懸車廢職不朝叔帶之災君子記慮

晉 子畏於匡厄困陳蔡明德不厄竟自免害

逐雁南飛馬疾牛罷不見漁池失利憂危牢戶之免脫免

無患

家人推輦上山高仰重難終日至暮不見阜巔

聵 憂不為患福在堂門使君偃安

蹇 春豸生華季女宜家受福多年男為邦君

解 高山之巔去地億千雖有兵寇足以自守

損 過時歷月役夫憔悴處子嘆室思我伯叔

益 太微復明說升傳巖乃稱高宗一作疾在頭頤和

夬 旁多小星三五在東早夜晨行勞苦無功

姤 東鄉煩煩相與笑言子般鞭革圍人作患

萃 鼻移在頭枯葦復生下朽上榮家乃不寧其舍不成

夬 蝦蟆群聚從天請雨雲雷集聚應時輒與得其所願

困 大步上車南到喜家送我貂裘與福載來  
井 賊仁傷德天怒不福斬刈宗社失其土宇  
革 從得見虎雖危無殆終已不處  
雷 履行素德卒蒙祐福與堯侑食君子有息  
震 利在北陸寒苦難得憂危之患福為道門商叔生存  
艮 四蹇六盲足痛難行終日至暮不離其隣  
漸 臺駘昧子明知地理障澤宣德封居河浹  
歸 妹畜水待時以備火災枉車絆馬郊行出旅可以無咎  
豐 歲暮花落君衰於德榮寵殞墜陰弃其室  
旅 夏敗蔡悲千里為市黃落澹鬱利得無有  
巽 仲春巡狩東見群后昭德允明不失其所  
兌 冽潔縷縷締措難解蠱毋術嫁媒不得坐自蒸身禍

渙 鳥嚕夜中以戒災凶重門擊柝備憂外客

節 朝霧暮靈織我衣濡道無行牛

中孚 抱璞懷玉與桀跖觴詘坐不申道無良人

小過 兩心相悅共其莠藟夙夜在公不離房中得君子意弗備

蕭茅

既濟 載餽茹田破鉏失餐苗稼不闢獨飢於年

未濟 甘露醴泉太平機閑仁德感應歲樂民安謙之

坎之第二十九

坎 有鳥黃足婦呼季玉從我睢陽可避刀兵與福俱行有命

又長

乾 太王為父季歷孝友文武聖明仁德興起孔張四國載福

緩厚

詳疑官欠

坤 猿隨高木不矮手足保我全生還歸其室

屯 重耳恭敏遇讒出處北奔戎狄經涉齊楚以秦代懷誅殺

子圍身為伯主

蒙 倚鋒據戟傷我胸臆耗折不息

需 狗冠雞步君失其所出門抵山行者憂難水灌我國高陸

為泉

訟 衆鳥所翔中有大恠丈身長頸為我驚憂

師 虎行相逐未有休息戰於平陸為夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不汚輪渴為我怨

泰 朝不見光夜不見明暝抵空床季女奔亡愴然心傷

否 齊魯永國仁聖輔德造禮雅言定公以安

同人 束帛玄圭君以布德伊呂百里應聘輔國

大有 棘鈎我襦為絆所拘靈巫拜祝禍不成災東山之邑中有

肥土可以饒飽

謙 門燒屋燔為下所殘西行出戶順其道理虎卧不起牛羊

歡喜

豫 墻高蔽目崑崙翳日遠行無明不見惟叔

隨 天地際會不見內外祖辭遣送與世長訣

蠱 深水難涉泥塗至轂牛罷不進浮陷為疾

臨 羊羆虎狼獼猴群走無益於僵為齒所傷

觀 履蛇躡虺與鬼相視驚恐失氣如騎虎尾

噬嗑 車驚人傾兩輪脫去行者不止人生憂懼結締復解夜明



為喜

賁 南敗北賈與喜為市利得百倍

剝 延陵適魯觀樂太史東隣白顛知秦興起卒兼北國一統

為主

復 出門逢惡與福為患反相擊刺傷我手端

无妄 倚鹿群走自然燕喜公子好遊他人多有

大畜 恭寬信敏履福不殆從其邦域與喜相得

頤 欲飛無翼鼎重折足失其福利庖羞為賊一下有上妻之

除我憂解

大過 府藏之富王以振貨捕魚河海布網多得

漸 陰生麓鹿鼠舞鬼哭靈龜陸處金甌塵生仁智盤桓國亂

無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 匏瓜之德宜繫不食君子失輿官正懷憂

大壯 乘船渡濟載水逢火賴得免患我有所持

晉 道險多石傷車折軸與市為仇不利客宿

明夷 託寄之徒不利請求結衿無言乃有恟患

家人 三年爭妻相逐奔馳終日不食精氣竭罷

睽 退惡防患日之中息解釋倒懸

蹇 兩足四翼飛入家國寧我伯姊與母相得

解 寒露所凌漸致堅冰草木瘡瘍花落葉亡

損 后稷農功富利我國南畝治理一室百子

益 設網張羅捕魚園池網罟自決雖得復失危許之患受其

忻懽

五 路與縣休侯伯恣驕上失其威周室相微

六 逐走追亡和及扶桑復見其鄉使我悔喪

七 履祿綏厚載受福祉衰微復起繼世長久疾病無危晉人

起告

八 鰥寡孤獨祿命苦薄入官無妻武子哀悲

九 山没丘浮陸為水魚燕雀無巢民無室廬

十 冠帶南遊與福喜期遨遊嘉國拜位逢時

十一 束行亡羊失其羝牂少女無夫獨坐空廬

十二 探巢捕魚耕田捕鱸費日無功右手虛空

十三 震 東行飲酒與喜相抱福為吾家利來從毋水澤之徒望邑而處

十四 良 妄怒失精自令畏悔怡怡之懼君子無咎

十五 漸 白雲如帶徃徃來處飛風送迎大電將下擊我禾稼

不起

十六 歸妹南至之日陽消不息北風烈寒萬物藏伏

十七 豐 火中仲夏鴻雁解舍躰重難移未能高舉君子顯名不失

其譽

十八 旅 北行出門履蹈躓顛踈足據塗污我襦袴

十九 巽 輕車醜祖疾風暴起促亂祭器飛揚鼓舞明神降佑道無

害寇

二十 兌 酒為歡伯除憂乘樂福喜入門與君相索使我有德

二十一 逸 三足孤鳥虛鳴督郵司過罰惡自賊其家毀敗為憂

二十二 節 三河俱合水怒踴躍壞我王屋民飢於食

甲孚南行東園惡虎畏班執火鋪鋒使我無患  
小過求鹿過山與利為怨闇龍不言誰知其權  
既濟行旅困斃失明守宿固圍之憂啟蟄出遊  
未濟据棘履杞跌刺為憂夫婦不和亂我良家

離之第三十

離 時乘六龍為帝使東達命宜吉無所不通  
乾 執轡四驪王以為帥陰陽之明載受東齊  
坤 春秋禱祀解禍除憂君子無咎  
屯 坐朝乘軒据國子民虞叔受命和合六親  
蒙 門戶下堂與福相迎祿于公室曾孫以昌  
需 高木腐巢漏濕難居不去甘棠使我無憂  
訟 三女為訟俱行尚困倍索夜行與伯笑言不認士册為

歡酒寬尤誰禱

師 漏卮盛酒無以養老春貸黍稷年歲實有屢道坦坦平安  
無咎

比 松柏枝葉常茂不落君子惟寧日富求樂  
小畜夫婦不謀為蕪攻齊良弓不張騎劫憂亡  
履 出令不勝友為大災強不克弱君受其憂  
泰 奔走相錯敗亂諸緒民不得作  
否 載壁秉珪請命于河周公克敏冲人瘳愈  
同人素車為馬不任重負王侯出征憂危為咎  
大有 大樹之子百條共母比之火中枝葉盛茂  
謙 壅遏隄防水不得行火盛陽光陰蜺伏藏走歸其鄉  
豫 五岳四瀆合潤為德行不失理民賴恩福

隨 駕駿南遊虎驚我牛陰不奉陽其光滅蹴些足謙謙來義  
解患

靈 早霜晚雪傷害禾麥損功棄力飢無所食  
臨 岐周海隅獨樂無憂可以避難全身保財

觀 陰蔽其陽日暗不明君憂其國求辟得黃駒措從行  
際盪金城鐵廊上下全力政平民歡寇不敢賊

實 平公有疾迎醫秦國和不能治晉人疑惑  
剝 載堯扶禹從喬彭祖西遇王母道路夷易無敢難者

復 羔羊皮革君子朝服輔政天德以合萬國  
允安振鐘鼓樂將軍受福安帖之家虎狼為憂履危不殆師行

何咎  
大畜 嫡庶不明孽亂生殃陳失其邦

頤 烏鷲孤鴻亂國不寧上以強為陰所行  
大過 被綉夜行不見文章安坐于堂乃無咎殃長子帥師得其

之 正常

坎 六月采芑征伐無道張仲方叔克勝飲酒  
咸 昧暮乘車東至伯家踰梁越河濟脫無他

恒 東風解凍和氣兆升年歲豐登  
遯 三狸搏鼠遮遏前後死於園城不得脫走

天壯 綏德孔明履祿久長貴且有光疾病憂傷  
晉 三虎搏狼力不相當如摧腐枯一擊破亡

明夷 使伯采桑狼不肯行與叔爭訟更相毀傷  
家人 抱空握虛鷓鷯我鷓利去不

睽 李花再實鷓鷯卯降集仁指以興隆國不賊

東山臯落勇悍不服金瑛玩好衣為身賊絲麻不作  
飛蚊汚身為邪所率青蠅分白真孝放逐  
南山大木丈夫身六目制命出文東里宣敷尊主安居鄭國  
無患

益 泉起崑崙西出玉門流為九河無有憂患

夫 命短不長中年夭傷思及哭堂哀其子亡

姬 君臣不和上下失宜宗子哀歌

萃 苛政日作螟食華葉割下啖上民被其賊秋無所得

升 南行載鎧登履九魁車傷牛羸日暮嗟咨

困 春東夏南隨陽有功與利相逢

井 頭尾顛倒不知緒處君失其國

革 言無要的不成券矣殿叔季姬八孫爭之強入委命

鼎 缺陷不成脂卵不生不見其形

震 見蛇交悟惜蜺畏惡心乃無悔

艮 河水孔穴壞敗我室水深無涯魚驚傾倒

漸 五岳四瀆地得以安高而不危驚懼避患

歸 味南至之日陽消不息北風冽寒萬物藏伏

豐 五利四福俱田高邑黍稷盛茂多獲高稻

旅 公孫駕車載遊東齊是陵子產遺我紵衣疾病哀悲

巽 蛟虬當道民困愁苦望羊置群長子在門

兌 命玉滿堂忠直乘危三老凍餓鬼奪我室求魚河海網罟

必得

逸 日入明匿陽晶隱伏小人心勞求事不得

頻逢招飲失利後福不如子息舊器故許申請必得乃無

大悔

中孚南有嘉魚駕黃取遊魴鱖詡詡利來無憂  
不過黃裳建元文德在身祿枯洋溢封為齊君  
既濟口不從心欲東反西與意乖戾動舉失便  
未濟虎狼之鄉日爭凶訟叨爾為長不能定証



